

Headline: NBSE aser NSE-I Class-IX atema Financial literacy Course tenzuk

Source: Tir Yimyim, Kohima, Nagaland

Date: 11 May 2016

NBSE aser NSE-i Class-IX atema Financial Literacy Course tenziik



May 10, 2016 nū Kohima nung Commissioner & Secretary F P Solo, NSE MD & CEO Chitra aser NBSE Chairman Asano Sekhose nungeri Financial Literacy Course kaket sayaba mapang agiba noksa angur.

Kohima, May 10 (TYO) : imlar, ta ashi.

National Stock Exchange of India Limited (NSE) aser Nagaland Board of Secondary Education (NBSE) nati tanū Nagaland nung Financial Literacy Course tenzūkogo.

North East Region nungi Class IX kaketshirtem atema NSE ajanga Financial Literacy course agiba mezūngbuba state ji Nagaland lir.

Tanū School Education & SCERT, Nagaland Commissioner & Secretary, F P Solo-i iba course tenzüksūdang, kaketshirtemi senotsū amshiba dak sendakba inyakyim angazüksü aser ibaji ajanga linük rongsenren jenjang renloktsü

Financial Literacy Course agiba ajanga lanuputui senotsū lalushibonga amshiba inyakyim anentsü aser commerce o financial management azūngtsü jangratsü, ta Solo-isa ashi.

Sentong nung NSE Managing Director aser CEO, Chitra Ramkhrisna-ia o jembidang, "iba course tenzükba ya NSE aser NBSE atema kanga dang tongtipang mapa ka lir aser senotsü ketdangsuba indang yimya metsü proker asütsü" ta ashi.

"Kanga dang kara ainba sector tem rongnung financial sector ya ka lir aser iba ajanga kaketshir nem mapa angutsü

maongka agütsütsü, anungji lanurtemi senotsü dak sendakba maparen kanga junga angazüksüla" ta Chitra Ramkhrisna-isa shisem.

Financial Literacy course ya kaketshirtemi ghonda 25 nung tembangtsü. Iba curriculum nung income & expenditure, savings, banking system, financial planning, money management, financial goals onüktem sayutsü.

Iba course ya district asem-Kohima, Dimapur aser Mokokchung nung Class IX kaketshirtem atema mezūng tenzūker aser taruba academic session nungi tanūngba district 8 nunga tenzüksü, ta NBSE chairman, Asano Sekhose-i metetdaksü.

Sorkar school 4 densema school 60 nungi kaketshir 5153-i iba course agitsü atema tenūng zūluokogo, ta laisa shisem.

Nagaland nung financial course ya shilem ana lemsar agi aser mezūng 2014 nung HSSLC atema 'Financial Management Market Service' liasü aser tang Class IX atema tenzūker, ta NBSE Chairman-isa metetdaksü.

(Maneni tapak 9 nung...)